

FELIBREJADO

Lou pouèto Flourian es toujours à l'ounour aquest an dins sa vilo de Scèus...



Prouvènço d'aro

Tóuti li mes, lou journau de la Prouvènço d'aro

Jun de 2015

n° 311

2,10 3

Educacioun

vers uno mort prougramado de nosto lengo

L'actualita sus la reformo di coulège a fa sourti de noumbrous proufessour d'òcitan dins la carriero, inquiet sus la plaço de l'òcitan dins lou coulège de deman. Vuei, rèn es previst pèr manteni lis ouro auprès di 25000 coulegian councerni pèr aquelo disciplino, que risco de desaparèisse emé la meso en concurrènci emé lis enseignamen trasverse.

Aquéli dificulta soun pas isoulado. Pèr l'enseignamen de l'òcitan, l'Estat finanço pas d'ouro especifico coume lou fai pèr d'autri lengo regiounalo. Resultat, soun lis acadèmi councernido que prenon sus si doutacioun ouràri pèr assegura aquel enseignamen. Lou nombre de poste de Capes es tambèn limita à 4 vo 5 pèr an despièi plusiours annado, permetèt pas lou renouvelamen di despart à la retirado.

Enfin, lou seitour de l'enseignamen associatiéu Calandreta es pas miés louta, em'un deficit d'un desenau de poste qu'espèron toujours d'èstre countatualisa.

En 1999, la França èro lèsto à s'engaja sus l'article 8 de la Charto Éuropenco di lengo regiounalo vo minourisado que prevèi d'assegura uno educacioun prescolàri, un enseignamen primàri, segoundàri, teinic e proufessiounau, au mens is elève que si famiho lou souvèton e que soun nombre es juja sufisènt. Es aquéli engajamen que voulèn aro.

Li lengo regiounalo fan partido dóu patrimòni de la França e soun uno richesso pèr la diversita culturalo de nosto republico. Pamens, mai d'un siècle après li declaracioun de Jan Jaurès sus l'impourtanço de l'enseignamen di lengo regiounalo à l'escolo, aquelo questioun es toujours pas reglado.

Lou Partit Òcitan considèro que li dispousitiéu atuu de l'Educacioun Naciounalo van coundurre irremediablamen vers uno mort prougramado de l'enseignamen de l'òcitan. L'acetan pas, ni pèr nosto demoucracio, ni pèr nosti generacioun futuro.

Guilhèm Latrubesse

Pèr lou Burèu Federau dóu Partit Òcitan

L'avis de la FELCO

Sian engaja, diguè la FELCO, dins uno batèsto feroujo contro la reformo di coulège que, se pas-savo, nous escanarié coumpletamen.

E tenèn à dire que nosto pouscioun es pas pourtado pèr l'immobilisme vo lou courpourtisme coume li tenènt de la reformo voudrien lou faire crèire. Vist la precarita de noste enseignamen, que la reformo agréujarié mai encaro, faire de nous-autre de privilegiat es uno insulto. L'interdisciplinarita, la pedagogio de proujèt, la gestioun de l'eterogeneïta, fai de decenio que lis ensignaire d'òcitan ié soun engaja. Mai se pòu pas faire d'interdisciplinarita sènso de couneissènço disciplinari soulido, ço que sara pas possible em'uno reformo que prevèi pas d'autro plaço pèr un enseignamen de nosto lengo que "lengo 2" (ço qu'es quasi jamai chausi), e qu'escafo de fa li màigri poussibleta representado fin aro pèr lou perloungamen au coulège dis enseignamen bilengue dins lou primàri aquí ounte n'i'avié.

De mai la reformo laisso ges de plaço à l'enseignamen facultatiéu de l'òcitan que poudié èstre ourganisa despièi la sieisenco.

Subre-tout refusan aquelo meso en concurrènci sòuvajo entre disciplino e entre coulège que la reformo vòu istala soutu pretèste d'autounoumiò dis establiment.

Nòstis ensignaire èron moubilisa



Desparicioun prougramado

Crestian Estrosi, lou deputa, Maire de Niço, presidènt de la Metropòli "Niço Costo d'Azur" es intervengu pèr sauva li lengo regiounalo :

"Alor que la vilo de Niço noun cesso d'acréisse soun soustèn i lengo e cultura regiounalo, en favourisant noutamen la dubertura de classo bilengue, en encourajant lou desvouloupamen de partenariat entre lou Cèntre dóu Patrimòni de la Vilo e dis ensignant de primàri, de coulège e de licèu, en creant d'animacioun e de publicacioun bilengue autour de la cultura niçardo, en acoumpagnant lis associa-

cioun oubrant pèr la defènso de la lengo niçardo, la reformo dóu coulège de la Menistro de l'Educacioun Naciounalo, de l'Ensignamen superiour e de la Recerco prevèi la desparicioun de l'òcitan (e dounc dóu niçard) en 6enco.

Parié, l'enseignamen de coumplemen Langues Régionales - 1 ouro en 5enco, pièi 2 ouro en 4enco e 3enco - sara acessible que pèr lis elève que seguisson deja un Enseignement Pratique Interdisciplinaire Langue et Culture Régionales.

Enfin, lis establiment déuran prepausa aquel enseignamen sus si

pròpri doutacioun ouràri. Acò revèn à prougrama la desparicioun de l'òcitan au coulège!

Aquelo remeso en causo d'un enseignamen previst pèr li tèste despièi mai de 60 an es uno casso is identita loucalo, pamens garanto de l'identita memo de noste país.

Aquelo unifourmatisacioun au noum d'un egalitarisme dóumati coundura nòstis enfant à-n-un nivelamen pèr lou bas.

Me parèis indispensable de garanti la dubertura d'aquel enseignamen tre la 6enco pèr assegura la countinuèta de l'en-

signamen de lengo regiounalo entre lou primàri e lou segoundàri e reveni tre la debuto dóu coulège à-n-un ouràri semanié sufisènt.

D'aquí estènt, ai demanda à Madamo Najat Vallaud-Belkacem, Menistro de l'Educacioun Naciounalo, de l'Ensignamen superiour e de la Recerco, d'aprefoundi la refleissioun sus lou mantèn e lou desvouloupamen de l'enseignamen di lengo regiounalo au coulège, en garantissènt uno doutacioun especifico is establiment".

Un bel eisèmple pèr lis àutris elegit que soun resta mut!

Li senatour penequejon

Ratifica la Charto éuropenco di lengo regiounalo es pas soun soucit...

Pajo 2

Lou museon de l'inmigracioun

Lou fenoumène migratòri en Prouvènço desempièi Carlomagne...

Pajo 3

Manifestacioun pèr la lengo d'oc

Lou 24 d'òutobre tóuti lis aparaire de la lengo saren à Mount-Pelié...

Pajo 2